



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

2. Quanta sit, etiam hoc tempore, multitudo veneficorum?

**urn:nbn:de:hbz:466:1-45699**

736 Cap. LXIV. Et veneficos, & blasphemos, belli caussam esse.

Deuter. 18. 9. letas, idem testatus est, qui prædixit delendas. Quando ingressus fueris Terram, quam Dominus Deus tuus dabit tibi, caue ne invictari velis abominationes illarum gentium, nec insueniatur in te, qui lusfreret filium tuum, aut filiam, dueens per ignem; aut qui ariolos sciscitetur, & obseruet somnia atque auguria, nec sit maleficus, nec incantator, nec qui pythones consulat, nec dininos, aut querat à mortuis veritatem: omnia enim hec abominatur Dominus; & propter istiusmodi sceleratae delebit eos, in introitu tuo. Postea etiam Israëlitas, mores Ægyptiorum & Palæstinorum imitatos, abiecit Dominus: Proiecisti enim populum tuum, domum Iacob: quia repletis sunt, ut olim, & angues habuerunt, vt Philistij, & pueris alienis adhacerunt. Ob hæc ipsa 4. Reg. 17. 16. crimina dicitur: Et tradiderunt se, ut facerent malum coram Dominis, 4. Reg. 21. 5. ut irritarent eum. Eamdem ob caussam Manasses ductus est in captiuitatem; multiq[ue] alij funditus perierunt. Maxima peccata, maximis poenis sunt digna...

II.

Quid igitur putemus nobis futurum? An non & inter Christianos, immò inter eos, qui se Catholicos profidentur, invalescit hoc scelus, augetur numerus, crescit in dies maleficorum multitudine? Nihil enim dicam, de fidei nostræ aduersis partibus, quæ vt in libidinem, impudicitia, libertatem & omnia pænè vitia ex dogmatum suorum principijs sunt proiectiores; ita faciliter etiam in has se diaboli compedes induunt. Multitudo autem vel ex ipsorum sagarum & magarum verbis, vel haud obscuris experientijs potest coniisci. Neque enim solus Christus prædictis, sub finem mundi, cognitionem Dei, religionemque veram ita defecturam, vt vix possit sineerus Numinis cultus reperiri. Veruntamen, ait, Filius hominis veniens, putas, insueniet fidem in terra? Sed ipsi etiam venefici jam sæpius vltro fassí sunt, apud diuersos magistratus, eam esse hominum istorum multitudinem, vt sæpe in conuentibus solennioribus toti campi repleantur. Addunt, breui fore tantum numerum, vt publicè, omnibus inspectantibus, etiam interdiu, in pratis, hortis, & plateis ciuitatum choreas sint institutæ. Certè, in illis tribunalibus, quæ huic hominum generi non parcunt, denuntiatorum ingens est annotata copia, syllabi grandes, immanes diphereæ; è quibus etsi possint subinde esse innocentes, plurimos tamen reos deprehendi, experientia, & mani- festa

Luc. 18. 8.

festa demonstrant documenta. Nec paruum esse numerum esse. Etus ipsi, & quotidiana clamant exempla. Nec longè ea vel è libris, vel è regionibus peregrinis petam. Fui in loco, vbi juuenis studiosus, cùm animi gratia, nescio quò vellet equitare, ocreas situ marcidas in culinam extulit: ibi laridum querens, quo eas inungeret emolliretque, incidit prope focum in angulo quodam, in ollulam pinguedine ignota plenam, quam ad ocreas perungenandas aptissimam arbitratus, corio alterius ocreas strenue infricuit. Quam vbi adipe jam saturatam putauit, non procul à prunis in foco deposita, ut concalcefacta vnguen magis imbiberet. Interim dum ocrearum alteram arripit itidem omento imbuendam, prior illa, quasi calorem sentiens, & ab igne animata, coepit à se moueri, erigere ceruicem, & repente de foco per caminum euolare; quam nulla vociferatione juuenis potuit retinere, aut ad se reuocare. Nempe ea ipsa ollula erat, ad sagaz furcam vngendam deputata. Quoties audiui adolescentes queri, se noctu à prementibus sagis infestari? Et fuit vir grauis, qui mibi dixit, se nocturno tempore à felibus infestari, quas cùm stricto ense peteret, è clauso cubili euanuerunt. Alius retulit, selem, obseratis ianuis ac fenebris, ad se noctu intrasse, insilijisse in lectum suum, ac paulatim ita pellem suam extendisse, vt in feminam mutaretur; quam cùm apprehensam, sed jam altera metamorphosi rursus in selem contractam, auribus mutilare vellet, rogante vxore, incruentam, quidem dimisit; sed cùm per funestras eieisset, in plateis tertia, iam metamorphosi, rursus è fele fæmina, coepit affatim cachinare. Quid dicam de caupone, qui serius in cellam descendens vinum hospitibus allaturus, reperit sagas circa dolia sedentes in corona, & vinum sine solutione pretij potitantes, quæ superueniente eo, repente disparuerunt? Vna tamen dominarum armillam auream post se reliquit, ne gratis mero se se ingurgitasse videretur. Armillam postea caupo passim ostendit, quam nemo tamen videri volebat, se amisisse. Alia per caminum euecta cingulum in summo reliquit, quod vna parte intra, alia extra caminum, toto die, pendere videbatur. Alia, in quadam domo, per aliquot horas, jam hoc, jam illo loco choreas instituerunt, varijs modis fugata, sed in fuga vna puluinulum mollissima pluma factum, &

Aaaa

serico

serico rubro pertextum reliquit, manè ab incolis in ipsis scalis re-  
pertum, atque alijs monstratum, postea quamvis diligenter in-  
clusum, tamen amiserunt, sine dubio ab eo asportatum, qui sa-  
gam ipsam intulit extulitque. Quid quòd, clara die, qui fœnam  
in pratis colligebant, viderunt fœnum in aceruum cumulatum è  
terra tolli, atque per aërem, trans montem vicinum subuolare,  
hominibus, qui inuisi ei insidebant, alta voce jubilantibus, & ex-  
ultantibus, quasi curru triumphali veherentur? Non esset finis,  
si omnia vellem, quæ ab auritis vel oculatis testibus habeo, ve-  
lem percensere. Sed me maximè mouet seductissima iuuentus.  
Adolescentes noui, qui ad nocturnas choreas puellam vnam alter.  
amuè è vicinia aduocârant, cum quibus & alijs venerunt, nota-  
rum speciem mentitæ, quæ vbi miseros iuuenes ad pessima quæq;  
seductos decepterunt, ijs spectantibus euolarunt per fenestram.  
O qualia & quanta in hoc genere à fide dignissimis audiui de ijs,  
qui serò suam calamitatem deplorauerunt! Neque in iuuenibus  
dumtaxat ista contingunt. Noui pueros, qui mirissima narraue-  
runt, quæ sibi corruptis dicebant accidisse, & ne somnia putaren-  
tur, signa dabant manifesta, se diabolo esse mancipatos. Interfui,  
cùm eis in corpus aciculae profundiùs imprimerentur ibi, vbi Sty-  
gium gerebant characterem, nec quidquam tamen doloris sentie-  
bant. Ante omnia tamen me miseret ætatis tenellæ, quæ non-  
dum peccati enormitatem agnoscens, palam fatebatur, se cum  
matre nocturnis horis, facto humi circulo, vectari per aërem, ad  
loca lata & jucunda, ibi epulari, ibi paruas pupas esse viuas qui-  
buscum ludant; ibi disci egregias artes; & vt narrationi fidem ad-  
derent, exemplò scrobes effodiebant, è quibus musculi profili-  
rent; quin & puluere pugillo comprehenso, atque in cælum ia-  
stato, poterant, quemcumque volebant, pulicibus & pediculis

**Exod 8. 17.** implere; pessima imitatione Aaronis, qui extendit manum, vir-  
gam tenens: percussitq; puluerem terra, & facti sunt cinipes: quod  
igitur tunc malefici incantationibus suis facere non potuerunt,  
nunc pænè infantes efficiunt. Ut taceam tot claudos, contractos,  
lenta tabe consumptos, immatura morte peremptos; nec pestes  
arte procuratas; nec imbres, nec grandines, nec tempestates, aut  
fulmina, aut incendia memorabo, quæ iam hoc, iam illo loco, vi-  
be, re-

be, regione audiuntur, præter omnem naturæ ordinem, alieno tempore, excitata. Atque hæc sola damna, cum dissimulantur, & sœpe etiam excusantur ab hominibus, ad diuinum Tribunal prouocant, & postulant vindictam, hostelque ad arma, ad arma invitant.

Huic hominum generi annexæ sunt blasphemæ, & summae ignominia mysterijs religionis illatæ. Quàm enim indignis modis tractant diuina Sacraenta? quàm sacrilegè confitentur? quàm irreuerenter & iniuriosè sacram hostiam non iam modò ore sumunt, sed etiam ex ore eximunt, vendunt, illudunt? Quibus verbis cælum, Diuos, Deum proscindunt? Quodque indignationem auget, etiam alij, qui diabolo se non manciparunt, tamen loquuntur, iurant, imprecantur more diabolorum. Etsi ergo blasphemæ non sint veneficio ac magia detestabiores, sunt tamen peccata valde enormia, eoque Deum vehementius ad itascendum prouocantia, quò sunt visitatoria: ob quæ etiam grauiora, quam patimur, sunt meruenda. Hæc ita non solùm apud fæcem vulgi, & milites, sed etiam multos alios eminentiores visitata sunt, ut pro ornatu sermonis habeantur, vel magnanimitatis esse signa existimentur. Quoties enim Creatori nostro vel tribuitur, quod non est, vel negatur, quod est, atque adeò blasphemia committitur? De blasphemo eiusmodi dixit ad Moysen Dominus: Edic blasphemum extra castra, & ponant omnes, qui audierunt, manus suas super caput eius, & lapides eum populus uniuersus. Et ad filios Israël loquèria: Homo, qui maledixerit Deo suo, portabit peccatum suum: & qui blasphemauerit nomen Domini, morte moriatur: lapidibus opprimet eum omnis multitudo, siue ille ciuis, siue peregrinus fuerit. Qui blasphemauerit nomen Domini, morte moriatur. Nec tantum blasphemis mortis poena decreta est, sed hoc crimen publica vindicta & gentium excidio punitum. O superi boni! ô misericors Deus, si omnes occidendi sunt, qui nomen tuum blasphemant, quota pars hominum viua remanebit? Et tu dixisti: Va genti peccatrici, populo grani iniquitate, semiñ nequam, filiis sceleratis: dereliquerunt Dominum, blasphemauerunt sanctum Israël, abalienati sunt retrorsum. Potentissimum regem Sennacherib blasphemia perdidit: Noli timere à facie sermonum, quos audisti (ait Dominus) quibus 4. Reg. 19.16.

## III.

Leuit. 24.13.

Isa. 1.4.

blasph-

aaaaa 2